


www.BibleForChildren.org



Génesis 6




Jujuwai Noé pachisa
augmattsamu. Noé aajakui
aents shiig pegkeg, ima Apajuí
wakejamunak takajaku, tuja
tikich aents batsamajakua
nujai ijumjamash niig dekas

pegkejam
aajakui.


Ashí aents
aidauk ayatak

pegkegchaunak
taka batsatun


Apajuí wainkauwai.



Nunik Apajuí Noén chichajak: "Yamaik ashí
nugkanum aents batsata nunak ijinatasan
anentaimtugjai. Ditá pegkegchaujin
kuashat maaniumu ayawai. Duwi
ditanak ashí tikich nugkanum
ayá nujai ijinattajai."




"Nuadui numi puwagtin aina nunú dakajam
arca najanata, dutikam tesaka umikta.
Tuja nuigtushkam yumi wayawai arca
tuntupe, tuja initkenishkam
ashí pegkaejata."



Arca najankumek jujai
betek dekapam
najanata: Esanti
ciento treinta y
cinco
dekapamu

atatui,
untsu
wegkanti
veintidos dekapamu
nuigtu jimaituk atatui,
antsag yakintig trece
dekapamu nuigtu
jimaituk atatui.




"Nuigtushkam ashí yutai
aidau juukam ijumjata,
nuna kuntinush yuwatnume,
tuja atumshakam nuwiyag
yuwattagme",
tiuwai.




Tuja kuntin ashí nugkanmaya aidau, aishmag nuwajai
arcanum chimpiattame, ditashkam jinutsuk amejai
betek uwemkatnume.




Nuniakjum kuntin pegkeg aina nunú siete aishmag,
siete nuwa aajam yajuakam chimpiata, untsu
kuntin yuchatai aina duka makichik
aishmag, makichik nuwa
aajam egkeattame.






Tsawan
yumi yutugtin
jegamtai,
nujagken
uwemtugasag Noé,
niina nuwe, uchiji aidau,
uchiji nuwe aidau aatus
arcanum chimpimauwai.



A simple line drawing of a building's side profile. The building has a series of horizontal lines representing windows or panels. A single window is highlighted with a rectangular frame and internal horizontal lines. The building is set against a background of a simple horizon line.

Noé seiscientos
mijan ejeyu ai, jimag
nantu taka, diesisiete
tsawan wegai, yumi
nagkamna nayaimpinmaya
senchi yutau. Imaniai,
initkanmaya yumi piyag teenak
aushkam, ashí nugkanum pukuni
shiig múun jijnajui.





Nunik cuarenta tsawan, nuigtu
cuarenta kashi tuke yutuu au.




Nujagkek neetsuk ayatak
dujaju au. Imanik dujajak
arcanak aan yaki takuiniuwai.




Imanik dujajiu asa, ashí nugkanum muja tsakaku
aidaunak yutua emegkakui. Pujutji ajamu aidau
nugkanum batsatuk ashí jinauwai.




Imanik tsawan atai, Apajuí Noén ashí
kuntin nijai arcanum chimpijaidaujai
wait anenjauwai. Nuadui Apajuí abau
kuyuati tusa dasen nugká ajunjauwai,
dutikam nunú umpuam kuyutan
nagkamdauwai.





Nuna dutika duwi pujus,
kuyua buku weatsuash
tusa dekatatus makichik
pauman akupkauwai.



Tuja jimag nantua nuna achika veinti siete tsawan
wegai, namakak shiig kuyua buku wajasui.



Ashí kuyua buku wajasmatai Apajuí Noén
chichajak: "Arcanum ame, amina nuwem,
uchijum aidau, uchigmin nuwe aidaujai
chimpigjum nunú
ashí jijnjatajum."



Noé arcanmaya
jiinki kuntin
patasa
apeaku Apajuí
ememattinun kaya
ekenag najanauwai.
Dutika kuntin aidaun,

chigki aidaujai Apajuí
diisam pegkeg aidaun
yajuak nuna nejen ashí
apeak Apajuín
emematiuwai.






Tusa Apajuí
chichaak:

"Jujuwai chicham
tuke atinun, wi
atumjai, tuja kuntin
aidaujaishkam umikbau
iwainamua nunú.

Yujagminum apusajai
arco iris, juju diisjum
adeagtinaitjume
wi chichaman
nugkanmaya aidaujai
umikag duka."





"Wi nugkan
yujagkim ematai,
nuwi arco iris
wantintinai. Nuna
wainkun wi atumjai,
tuja kuntin aidaujaishkam
chichaman


umikag nuna
tuke aneetnaitjai.
Nuadui ataktu
awenag yumi
yutug piyajag
ijipachagtinai."



Apajuí Noén niina
uchiji aidaujai pegkegnum
yumigkiak aatus tiuwai:
"Yujaktajum, imaniakjum nugka
pampankajum pmutkatajum."



"Noé uchiji arcanmaya
jiinjau aina duka: Sem, Cam,
Jafet aatus aajakui. Cam aajakui
Canaágka apaji. Juju kampatuma
nunú aajaku ainawai Noé uchiji
aidau. Juna uchiji wegantu
aidau atak nagkamawag




dita ashí
nugkan pampantuk
batsamsau ainawai."



Wagki Apajuí ashí aentstin senchi
anejatu asa, Uchijí makichkiuchia nuna
sujamsauwai, ashí niina dekaskeapi
tuidauk megkaekashtinme,
ayatak pujut nagkanchau
ajitnume tau asa.



3



60



Romanos 3:23 Ashí aentstik betek tunamaku asaja,
Apajuí diismak pegkejak wantinkachuitji.

Romanos 6:23 Tudauk Apajuiyai datumkagtawai; untsu
Apajuí anenjauch sujama duka iina Apuji Cristo Jesusjai
ijutkau pujamunum pujut tuke atin juwamua nuuwai.

Hebreos 9:27 Tuja nunisag aents aidaushkam makichkia
jakati tibau ainawai, nunik dui nagkaemamainai Apajuiyai
dekagmamatatus.

Efesios 2:8,9 Wagki atumek dekaskeapi tabauwai wait
anenjá uwentikjamu ainagme; nunak atum pegkeg
takasbauwai dutikachui, Apajuí nigki anenjauch
uwemtanak amasajui, duka ii pegkeg takasbauwai uwemat
jukichu asaja, ii emematmamainuk makichkish
atsugtamji.



Romanos 10:9,10 Ame wenimin chichakam: Jesusak mina Apujui takum, anentaiminish Jesús jakauwa nunash Apajuiyap dekas inankiuwaita takumek uwemjau atatme.

Wagki anentainum dekaskeap nunikuita tabaunum pegkeg ainagme tama ainaji. Tuja, iina wenin chichaká Jesusak mina Apujui tabaunum uwemtak junawai.

Juan 3:16,17 Wagki Apajuí ashí aentstin senchi anejatu asa, Uchijí makichkiuchia nuna sujamsauwai, ashí niina dekaskeapi tuidauk megkaekashtinme, ayatak pujut nagkanchau ajitnume tau asa. Wagki Apajuik Uchijinak ju nugka juig aents aidaun suwimkan susati tusag awemachui, ayatak aents aidau niini uwemtan jukitnume tusa awemauwai.



1 Juan 5:11-13 Juuwai etsegtamua duka: Apajuí
pujut tuke atinun sujamsamua nu, nunú pujutak
niina Uchijin awai.

Apajuí Uchijijai ijutkau pujuidautik, pujut tuke
atina nu ajutjamainaji. Untsu Apajuí Uchijijai
ijutkau pujuinachuk, pujut tuke atina duka
atsujuinawai.

Jujú aina junak Apajuí Uchijiya nu dekaskeapi
tuidau asajum, pujut nagkanchau jukiwaitjum nunú
aidautigmin dekaatnume tusan agatjime.



Génesis 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Aguaruna Bible (agr) © 2020, Wycliffe Bible
Translators, Inc.

<https://live.bible.is/bible/AGRTBL/MAT/1>

©2024 Bible for Children, Inc.

www.M1914.org

www.bibleforchildren.org

